

3

T2251/1444

THE CHINESE-JAPANESE LIBRARY
OF THE HARVARD-YENCHING INSTITUTE
AT HARVARD UNIVERSITY
MAY 13 1959

奇姓遺卷

肩龍

專諸

編意

汗能

權泉

古俗

崔木均

年富

還無社

賢政

得相

堅鏗

奇姓通卷三

下平

肩龍

崔永均

專諸

年富

編意

還無社

阡能

賢政

權皋

緝桓

玄俗

堅鐔

哈佛大學漢和
圖書館珍藏印

圖書印

千獻

牽招

駢恭

鮮思翊

全琮

芊戎

前刺

連肩吾

偏呂張

泉仙

涓勳

弦高

縣房甥

仙源

延篤

銓徵

先軫

顛頡

乾思彥

牽揚

拳彌

淵歛

然子堪

宣秉

聯謙

天老

錢鏗

騫味道

奇姓通 卷三

奇姓通 卷三

監伯陽

嶠固

條攸

搖母餘

鄔單

鈔期

皋如

堯須

聊倉

要離

寥得

譙玄

毫康

鼃錯

刁閒

蒿賓

么謙

椒舉

杳允

霄略

瓢雄

漕中叔

操守經

稍騰漢

韶石

超喜

貂勃

雕延年

澆彘

橋仁

庶公

徭偉

朝景煥

昭奚恤

鈔秀

巢猗

茆志道

抄恩

浚孔車

匏敏

膠倉

牢丘

招父

糟士奇

勞丙

桃豹

穆留

穆宗

高文光

繁延壽

渦尚

阿呵

苛異

佗羽

多軍

家鉉翁

蛇玄

荼恬

余起

蛇后

奢龍

巴蔓子

杞秀

夸父

瑕禽

鄜巴

花驚定

衙謹卿

芒卯

防廣

囊丸

光逸

狼睥

傷省

鄜埜

坊蒙

陽惠元

邛燦

印祗

棗左

香車

蕪清

涼茂

芳乘

奇姓通卷三 下平

江陰夏樹芳茂卿輯

華亭陳繼儒仲醇校

肩龍

金史肩龍字舜卿。宣宗初欲殺從坦。肩龍上書謂坦有將帥材。願代死。詔問汝與從坦交分厚歟。肩龍曰。臣知有從坦。從坦未

嘗識臣從坦。寃諸臣不敢言。臣敢以死諍之。宣宗感悟。赦從坦。

崔永均

洪熙初。任光祿大夫。又崔璿。唐中書舍人。

專諸

刺客。吳公子光謀殺王僚。伏甲於窟而享。王使諸進炙魚。寘劍其中。刺之交胷。闔閭

以爲上卿。又吳越春秋。專諸謂公子光曰。凡欲殺人。君必先求其所好。吳王何好。光曰。好味。專諸曰。何味所甘。光曰。好嗜魚之炙也。專諸乃去。從太湖學炙魚。三月得其味。安坐待公子。命之。註。專諸。一曰鱒。設諸。

年富

國朝名臣。見楊升庵外史。

編意

漢編意。潁川人。隱論出人。能與鬼神交通。

還無社

蕭大夫。春秋宣公十二年。楚子伐蕭。蕭潰。無社。因司馬卯號申叔展。目於晉井而拯之。左傳。還音旋。

阡能

唐印州牙官。

賢政

晉賢政。南涼樂都潰。諸城皆降。政固守不下。守節而亾。

權皋

唐天寶中舉進士。為臨清尉。安祿山欲置幕府。皋度其必叛。因獻俘京師。偽稱病卒。

奇姓通 卷三
未幾祿山果叛。玄宗擢拜監察御史。後客
洪州。屢徵不就。時人仰其高節。名入卓行
傳。

縉桓

河南固始人。正統間廣東都司指揮。姓苑
有縉氏。

玄俗

希姓錄。玄俗。河間人。賣藥都市。漢河間王
病瘕。買藥服之。下蛇十餘頭。遂愈。俗有形
無影。王乃呼俗日中看。實無影。王欲以女
配之。俗忽亾去。後人復見於恒山下。又世
本黃帝臣。有玄壽作鏡。

堅鐔

漢紀。堅鐔。字子伋。襄城人。從光武爲偏將

軍以功封合肥侯。圖形雲臺。又國朝有
堅晟。秦州人。以歲貢知山東博平縣事。嘉
靖間。流賊弄兵。所在州縣望風披靡。守令
皆棄印綬逃去。公葺雉堞。礪戈鋌。督民兵
死守之。賊且至。公與妻子別曰。為臣死忠。
我固甘心。死孝。死節。汝輩當自計。毅然出。
乘鄣登埤。率眾固守。賊計窘。舉火燔城。風
大起。公頓地呼天。卒能反風滅火。賊遂逸
去。事聞於朝。晉秩賜金。民立忠義祠祀
之。

千獻

漢千獻。蜀郡都尉。見風俗通。

牽招

字子經。魏文帝時右中郎將。次子弘。猛毅

有父風。隨鄧艾伐蜀有功。拜振武護軍。在綿州築臺爲京觀以彰武功。又晉有牽秀字成叔。有辯才。弱冠得美名。補新安令。賈謐二十四友。秀其一也。見潘岳傳。

駢恭

大名人。永樂中戶部主事。

鮮思明

蜀漢司空。國朝有鮮延年。知順慶府。以循吏稱。

全琮

字子璜。三國時人。父柔爲桂陽太守。嘗使琮將米數千斛入吳市。易價。琮悉以賑貧。柔更奇之。後仕吳爲奮威校尉。領東安太守。招集流竄。數月得萬餘人。加右大將軍。

芊戎

昭哀王時人。爲將攻楚。取新市。

前刺

五代時晉飛龍將。

連肩吾

唐人。著金英玉髓經十卷。又連久道。字可久。江湖得道之士。年十二能詩。父攜見熊

曲肱。賦漁父詞云。蘆花輕逐微瀾。蓬牕獨自清閒。一覺游仙好夢。任他竹冷松寒。後爲黃冠得道。往來西山。又國朝有連盛。成化進士。任御史。剛介方正。貴戚斂手。正德初。逆瑾擅權。抗直不附。瑾怒。流竄海南。

偏呂張

漢人。見急就章。楚之軍帥使主偏者。因以

奇姓通 卷三
爲姓。司馬法曰。車十五乘曰偏。呂張言心
呂之臣可張大王室也。

泉仙

字思道。豐陽人。世雄商洛。世襲本縣令。仙
年十二。鄉人詣州請仙爲縣令。雖童幼而
好學恬靜。百姓安之。性又清約。在縣五年。
每於鄉里運米自給。除洛州刺史。見北史。

涓勳

漢人。劾薛宣者。又齊人有涓子。

弦高

左傳。弦高。鄭商人。遇秦師於滑和。以牛十
二犒師。曰。敝邑爲從者淹。居則具。百日之
積。行則備。一夕之衛。且遽告於鄭。秦遂不
敢襲鄭。又左傳有弦施。弦多。

縣房甥

左傳有縣房甥。又晉有縣思。張方腹心之士。

仙源

長治人。紹定間。固安知縣。

延篤

字叔堅。博通經傳。桓帝拜爲議郎。與朱穆

等共著作東觀。李文德曰。叔堅有王佐才。奈何屈千里之足乎。欲引進之。篤固辭。爲京兆尹。政用寬仁。先是邊鳳爲尹。亦有能名。三輔爲之語曰。前有趙張。後有邊延。旣卒。鄉里圖其形於屈原廟。所著有論銘等凡二十篇。

銓徵

漢捕羌校尉斬黃巾賊。

先軫

左傳。先軫。晉大夫。文公城濮之戰。軫謀居多。後入狄師。死之。狄人歸其元。面如生。封爲蒲城伯。子且居。晉襄公以三命將中軍。是爲霍伯。又唐有先汪。合江人。七歲日誦萬言。貞元中舉孝廉。尋退居安樂山。講九

經以明道。

顛頡

左傳。晉公子重耳奔狄。從者狐偃。趙衰。顛頡。魏武子。司空季子。及曹。偃負羈。自貳於重耳。乃饋盤餐。實璧焉。公子受餐。反璧。後重耳入曹。令無入。偃負羈之宮。而免其族。報施也。魏犇顛頡。怒曰。勞之不圖。報於何

有。熱僖負羈氏。魏犇傷於胷。公欲殺之。而愛其材。使問且視之病。將殺之。魏犇束胷見使者曰。以君之靈。不有寧也。距躍三百。曲踊三百。乃舍之。殺顛頡以徇於師。

乾思彥

姓苑。唐乾思彥。性倜儻。褚遂良贈以詩。志氣百年內。平生一片心。欲交天下士。未面

已虛襟。

拳揚

漢將。

拳彌

左傳。衛人翦夏丁氏。以其帑賜彭封彌子。彌子飲公酒。納夏戊之女。嬖。以爲夫人。其弟期。大叔疾之。從孫甥也。少畜於公。以爲

司徒夫人寵衰。期得臯。公使三匠久。公使
優狡盟拳彌而甚近信之。司徒期因三匠
與拳彌而作亂。皆執利兵。使拳彌入於公
宮而自太子疾之宮。譟以攻公。鄆子士請
禦之。彌援其手曰。子則勇矣。將若君何。不
見先君乎。君何所不逞欲。且君嘗在外矣。
豈必不反。當今不可。衆怒難犯。休而易間。

也。乃出。將適蒲。彌曰。晉無信。不可。將適鄆。
彌曰。齊晉爭我。不可。將適泠。彌曰。魯不足
與。請適城鉏。以鈎越。越有君。乃適城鉏。彌
曰。衛盜不可知也。請速自我始。乃載寶以
歸。

淵歛

齊大夫見世本。又宋有淵豐。紹興中循州

司馬。

然子堪

禹。七。大。夫。中。人。又。戰。國。時。有。然。友。為。滕。世。子。傅。

宣秉

字。巨。公。雲。陽。人。少。修。高。節。王。莽。徵。不。至。光。武。初。拜。御。史。中。丞。秉。性。儉。約。所。得。俸。祿。輒。

散。親。族。後。拜。大。司。徒。子。彪。仕。為。郎。虎。南。安。侯。

聯謙

晉輔國將軍。

天老

漢書。天老。黃帝時七輔。受天錄。有天老雜。子。陰。道。二。十。五。卷。又。漢。有。天。高。為。長。社。令。

唐有天文。爲親軍指揮使。

錢鏗

世本。姓錢。名鏗。錢乃古翦字。虞翻云。名翦。封於彭。是爲大彭。以斟雉養性。事放勳。

騫味道

武后時爲青州刺史。又晉惠帝時。騫貍爲廣武將軍。

監伯陽

南北朝有監伯陽。頓丘董徵從之。受論語。毛詩。春秋。周易。又漢初有監居翁。

嶠固

魯人。高陽氏嶠牛之後。檀弓。季武子寢疾。嶠固不脫。齊衰而入。見曰。斯道也。將亾矣。士惟公門脫齊衰。武子曰。不亦善乎。君子

表微。及其喪也。曾點倚其門而歌。注。武子季孫夙也。世為上卿。且專國政。不脫齊衰。示之凶。而欲其歿也。倚門而歌。示之吉。而樂其歿也。又漢有蟠彥冲。

條攸

安定人。晉司空殷賢人。七族有條氏。

搖母餘

功臣表。搖母餘封海陽齊信侯。以越隊將從。破秦入漢。定三秦。以都尉擊項籍。侯千七百戶。姓譜作雙姓。王元美考入單姓。

鄒單

孔子弟子。史記鄒單字子家。鄒若堯反。單音善。

銚期

奇如通 卷三
三
鉅音姚。潁川邠人。期容貌絕異。矜嚴有威。爲鄧禹裨將。所至有功。光武封爲安成侯。生平重信義。自爲將。有所降下。未嘗擄掠。在朝憂國憂民。能犯顏諫諍。卒謚忠侯。子丹純。俱爲侯。

皋如

越大夫勸勾踐伐吳。以天有四時。人有五勝。進越。卒以滅吳。其後漢有皋伯通。有高行。梁鴻主其家。以賓禮待之。

堯須

晉堯須撰鷲擊錄一卷。又宋有堯允恭。字克遜。海陵人。景定咸淳。兩領鄉薦。宋亾。專意經傳。深得性命之理。江浙行省。兩檄充濂溪東川書院長。皆不赴。自號觀物老人。

奇如通 卷三
大司農燕公嘗稱其古心絕俗清氣逼人
有詩文二十卷。

聊倉

漢侍中著書號聊子。

要離

吳越春秋吳公子光殛殺王僚憂其子慶
忌在隣國計於子胥乃進要離離曰吾詐

負臯出奔殺吾妻子且出怨言慶忌必信
乃行戮其妻子於市怨言聞於諸侯見慶
忌於衛言計而喜與之俱渡江中流欲順
風而刺慶忌慶忌顧而揮之三摔其頭於
水中乃加於膝上嘻嘻哉天下之勇士也
乃敢加兵刃於我左右欲殺之慶忌止之
曰此是天下勇士吾向者已辱椒丘訢豈

可一日而殺天下勇士二人哉。乃誠左右曰。可令還吳以旌其忠。於是慶忌死。要離渡江。至江陵。愍然不行。從者曰。君何不行。要離曰。殺吾妻子以事其君。非仁也。爲新君而殺故君之子。非義也。重其死。不貴無義。今吾貪生棄行。非義也。夫人有三惡。以立於世。吾何面目以視天下之士。言訖。遂投身於江。未絕。從者出之。要離曰。吾寧能不死乎。從者曰。君且勿死。以俟爵祿。要離乃自斷手足。伏劍而死。唐有要珍。朔方大將軍。國朝有要繡。成安人。成化中。女爲憲廟妃。拜光祿丞。

寥得

閩中人。弘治舉人。

譙玄

漢書。譙玄。獨行之士。成帝朝。對策拜議郎。王莽時。不仕。公孫述。連聘不至。賜以毒藥。太守自齎書至玄。廬。玄歎曰。保志全高。歿亦何恨。又三國有譙周。耽古篤學。研精六經。官至光祿大夫。周有文武全才。志在恢復。所著有仇國論。五經論。定法。訓古。史考。

百餘篇。子秀。躬耕山藪。桓溫薦之。不應。

毫康

東漢甘陵人。女弟為桓帝后。封安陽侯。

鼂錯

漢書。鼂錯著法家言三十一篇。

刁間

貨殖傳。齊俗賤奴虜。而刁間獨愛貴之。桀

黠奴人之所患。惟刁閒收取。使之逐魚鹽。商賈之利。或連車騎。交守相。然愈益任之。終得其力。起數千萬。故曰寧爵無刁。言能使豪奴自饒。而盡其力也。宋有刁約。字景純。丹徒人。宋寶元中。直史館。嘗使契丹。改判度支院。治平中。出知揚州。皓然有山林之志。乃挂冠而歸。作藏春塢。日游其中。

國朝有刁鵬。祥符人。永樂中。知荊州府。在任九年。門無私謁。囊無贏帛。凡所設施。厝置卓有條理。政教大行。軍民稱頌。

高賓

字大賓。滕縣人。嘉靖進士。

么謙

湯陰人。弘治中。爲通州訓導。

椒舉

左傳。楚子合諸侯于申。椒舉言於楚子曰。臣聞諸侯無歸禮以爲歸。今君始得諸侯。霸之。濟否。在此舉也。夏啓有鈞臺之享。商湯有景亳之命。周武有孟津之誓。成有岐陽之蒐。康有艷宮之朝。穆有塗山之會。齊桓有召陵之師。晉文有踐土之盟。君其何用。未幾。楚子示諸侯侈。椒舉曰。夫六王二公之事。皆所以示諸侯禮也。諸侯所由用命也。夏桀爲仍之會。有緡叛之。商紂爲黎之蒐。東夷叛之。周幽爲太室之盟。戎狄叛之。皆所以示諸侯汰也。諸侯所由弃命也。今君以汰。無乃弗濟乎。王弗聽。昭公四年。楚子以諸侯伐吳。圍朱方。克之。執齊慶封。

而盡滅其族。將戮慶封。椒舉曰：臣聞無瑕者可以戮人。慶封唯逆命，是以在此。其肯從於戮乎？播於諸侯焉。用之。王弗聽。負之斧鉞以徇於諸侯。使言曰：無或如齊慶封，弑其君，弱其孤，以盟其大夫。慶封曰：無或如楚共王之庶子圍，弑其君，兄之子麋而代之以盟諸侯。王使速殺之，遂以諸侯滅賴。遷賴于鄢。使鬬韋龜與公子弃疾城之而還。申無宇曰：楚禍之首，其將在此矣。

賈允

後魏侍中。

霄略

韓非子。桓公解管仲之束縛而相之。管仲曰：臣有寵矣。然而臣卑。公曰：使子立高國。

奇如通 卷三
之上。管仲曰。臣貴矣。然而臣貧。公曰。使子
有三歸之家。管仲曰。臣富矣。然而臣疏。於
是立以爲仲父。霄略曰。管仲以賤爲不可
以治國。故請高國之上。以爲貧。不可以治
富。故請三歸。以疏爲不可以治親。故處仲
父。管仲非貪。以便治也。

瓢雄

太和人。正德中長陽尉。

漕中叔

游俠傳。自哀平間。郡國處處有豪傑。然莫
足數。其名聞州郡者。馬領繡君。賓。西河漕
中叔。皆有謙退之風。王莽居攝。誅鉏豪俠。
名捕漕中叔。不能得。素善強弩將軍孫建。
莽疑建藏匿。泛以問建。建曰。臣名善之。誅

奇女通 卷三
臣足以塞責。莽性果賊。無所容忍。然重建
不竟問。遂不得也。中叔子少游。亦以俠聞
於世云。

操守經

浮梁人。嘉靖進士。任給事中。

稍騰漢

安定人。正德中任知州。

韶石

晉中牟令。長沙仙女韶氏。有鳳音亭。

超喜

漢太僕。宋紹定進士。超必熅。綿州人。

貂勃

國策。貂勃嘗惡田單曰。安平君。小人也。安
平君聞之。故爲酒而召貂勃曰。單何以得

臯於先生。故常見譽於朝。貂勃曰。蹈之狗吠堯。非貴。蹈而賤堯也。狗固吠非其主也。且今使公孫子賢而徐子不肖。然而公孫子與徐子鬪。徐子之狗猶將攫公孫氏之腓而噬之也。若乃得去不肖者而爲賢。狗豈特攫其腓而噬之耳哉。安平君曰。敬聞命。明日任之於王。王有所幸臣九人之屬。欲傷安平君。相與語於王曰。燕之伐齊之

時。楚王使軍將萬人而佐齊。今國已定而社稷已安矣。何不使使者謝於楚王。王曰。左右孰可。九人之屬曰。貂勃可。貂勃使楚。楚王受而觴之。數日不反。九人之屬相與語於王曰。夫一人身而牽留萬乘者。豈不以據勢也哉。且安平君之與王也。君臣無

禮而上下無別。且其志欲爲不善。內收百姓。尋撫其心。外懷戎翟。天下之賢士。陰結諸侯之雄俊豪英。其志欲有爲也。願王之察之。異日而王曰。召相單來。田單免冠徒跣肉袒而進。退而請死。臯五日。而王曰。子無臯於寡人。子爲子之臣禮。吾爲吾之王禮而已矣。貂勃從楚來。王賜諸前酒酣。王曰。召相田單而來。貂勃避席稽首曰。王惡得此亾國之言乎。王上者孰與周文王。下者孰與齊桓公。王曰。吾不若也。貂勃曰。然。臣固知王不若也。然則周文王得呂望。以爲太公。桓公得管夷吾。以爲仲父。今王得安平君而獨曰單。且自天地之闢。民人之治。爲人臣之功者。孰有厚於安平君者哉。

而王曰單惡得此。亾國之言乎。且王不能守乎王之社稷。燕人興師而襲齊墟。王走而之城陽之山中。安平君以惴惴之卽墨。三里之城。五里之郭。敝卒七千。禽其司馬。而反千里之齊。安平君之功也。當是時也。闔城陽而王城陽。天下莫之能止。然而計之於道。歸之於義。以爲不可。故爲棧道。木閣而迎王。與后於城陽山中。王乃得反。子臨百姓。今國已定。民已安矣。王乃曰。單單且嬰兒之計。不爲此。王不亟殺此九子者。以謝安平君。不然。國危矣。王乃殺九子而逐其家。益封安平君以夜邑萬戶。

雕延年

功臣表。雕延年以匈奴王降。封臧馬康侯。

奇如通 卷三
二百一
八百七十戶。

澆或

成化間以副總兵征松茂。謀勇過人。督率軍士搜羅山寨。夷人遠避。至今威望猶存。

橋仁

從大戴學。注禮記四十九篇。號橋君學。小戴以博士論石渠。授禮記於梁人橋仁。楊

榮。由是有橋楊之學。漢武帝大鴻臚。又三國橋瑁。爲東郡太守。與袁紹起兵。討董卓。

庶公

庶音息。風俗通。秦將庶王之後。庶公爲秦將軍。又漢有庶宣爲太守。

徭偉

更始將。鎮淮陽。東越王徭勾踐之後。

奇始通 卷三 二十八
朝景煥

南北朝撰野人閒話六卷。又宋有諫臣朝夢玉。

昭奚恤

戰國策昭奚恤爲楚將。江乙惡之。楚昭王問羣臣曰。北方之人畏奚恤何也。江乙對曰。虎得狐欲啖之。狐曰無啖我。天帝令我

長百獸。若不信。隨我後以觀百獸避走。虎不知畏已。以爲畏狐。北方非畏奚恤。其實畏大王之甲兵也。猶百獸之畏其虎也。又史記楚懷王留于秦。太子爲質于秦。大臣欲立懷王子在國者。昭睢曰。王與太子俱困于諸侯。又悖王命而立其庶子。非法也。乃詐赴於齊。用計而歸楚太子。太子橫至。

立爲王。是爲頃襄王。

鈔秀

正德舉人。又鈔奇。嘉靖舉人。俱漳德人。

巢猗

南北朝。撰尚書義十卷。尚書百釋三卷。又宋有巢谷。字元修。眉山人。傳其父中學舉進士。谷素多力。棄其業。學古兵法。游西邊。

與河州將韓存寶善。後存寶坐臯歿。谷逃避江淮間。會赦乃出。蘇軾蘇轍謫嶺海。谷往循訪轍。又欲往海南訪軾。至新州病歿。轍聞哭之。失聲曰。谷於朋友之義無所不厚。惜不遇襄子。而前遇存寶。後遇予。兄弟也。

茆志道

和州人。洪武初知洛陽縣。寬猛得宜。禁奸除暴。又茆欽。字宗堯。溧水人。歷官大理寺卿。

抄思

歸善人。永樂舉人。

洩孔車

史記。漢元朔中。主父偃拜齊相。乃使人言

齊王內有淫佚之行。齊王恐效燕王論歿。乃自殺。趙王恐其爲國患。卽使人上書告偃受諸侯金。及齊王以自殺聞。上大怒。以爲偃劫其王令自殺。乃徵下吏治偃服受諸侯之金。實不劫齊王令自殺。上欲勿誅。公孫弘爭曰。齊王自殺。無後國除。非誅偃無以謝天下。乃遂族偃。偃方貴幸時。客以

奇如通 卷三
千數及族。歿無一人收者。惟獨浚。孔車收葬之。天子後聞之。以爲孔車長者也。

匏敏

漢山陽令。

膠倉

漢武時。與朱買臣。嚴助。終軍。司馬遷之倫。皆辨知閎達。溢於文辭。

牢丘

漢儒林傳。又東漢有牢修。河內張成。善風角。推占當赦。教子殺人。河南尹李膺督促收捕。竟案殺之。成弟子牢修上書告膺等。養太學游士。交結諸郡生徒。互相驅馳。共爲部黨。誹散朝廷。疑亂風俗。天子震怒。頒郡國逮捕黨人。然則黨錮之禍。蓋牢修肇

之也。

招父

晉太子圉爲質於秦。秦歸河東而妻之。惠公之在梁也。梁伯妻之。梁嬴孕過期。卜。招父與其子卜之。其子曰。將生一男一女。招曰。然。男爲人臣。女爲人妾。故名男曰圉。女曰妾。及子圉西質。妾爲宦女焉。又漢招猛。元初中大鴻臚。

糟士奇

鳳翔人。嘉靖舉人。

勞丙

後漢人。又國朝勞玘爲戶科給事中。立朝侃侃。遇事敢言。嘗以直諫忤上。被責不少挫。士論高之。

桃豹

石勒嘗備於武安。臨水爲遊軍所囚。會有羣鹿傍過。軍人競逐之。勒乃獲免。俄見一老父謂曰。向羣鹿者我也。君應爲中州主。故相救爾。勒拜而受命。遂招集桃豹。遂剛等八騎爲先驅。後勒僭號豹爲豫州刺史。

穆留

韓非子。韓宣王謂穆留曰。吾欲兩用公。仲公叔其可也。對曰。不可。晉用六卿而國分。簡公兩用田成闞止。而簡公殺。魏兩用犀首張儀。而西河之外亾。今王兩用之。其多力者樹其黨。寡力者借外權。羣臣有內樹黨。以驕主。有外爲交。以削地。則王之國危矣。又漢功臣表。穆廣德。父樂。以校尉擊南

越。歿事。封龍侯。

蔭宗

音多。漢人。

曷文光

公安人。母成氏。苦節。光善事之。孝養備至。一試四川巴縣令。遂乞休歸。家居二十餘年。矚然如一。嘗慕陶靖節之清風。所著有擬陶詩。

繁延壽

漢御史大夫。又晉有繁欽。字休伯。以文章機辯。少擅名於汝穎。又長於詩賦。其所與太子書記。喉轉意率。皆成巧麗。繁音婆。

渦尚

漢人。扶風太守。

阿呵

馬龍州人。隱巖谷。撰爨字。字如科斗。三年始成。字母一千八百四十號。

苛異

漢人。見印藪。

佗羽

漢人。姓佗。名羽。字公子。以游俠聞。國朝

有佗盛。永樂進士。容縣人。

多軍

功臣表。武帝時。以東粵將軍降於漢。封無錫侯。邑千戶。

家鉉翁

宋眉州人。以廕補官。知常州。拜端明殿大學士。元兵次近郊。丞相吳堅賈餘慶檄告

奇姓通 卷三
天下守令以城降。鉉翁獨不署。文天祥女弟坐兄故繫奚官。鉉翁傾橐中裝贖出之。以歸其兄壁。鉉翁狀貌奇偉。身長七尺。被服儼雅。其學邃於春秋。自號則堂。又漢有家羨。

蚺玄

赫連勃勃南侵姚泓。遣建義將軍蚺玄距却之。

姦恬

漢書江都易王薨。未葬。嗣王建居服舍。召易王所愛美人淖姬等十人與姦。建女弟徵臣爲蓋侯子婦。以易王喪來歸。建復與姦。建異母弟定國具知建事。行錢使男子姦恬上書告建淫亂。不當爲後事。下廷尉。

治恬受人錢財爲上書論棄市。茶。音食邪反。

余起

宋銅陵人。一門義聚千三百餘口。子孫皆以科第顯。嘉靖隆慶中。余敬中毅中兄弟進士。俱銅陵人。

蛇后

南北朝人。兄越滄。南安太守。

奢龍

管子。黃帝得奢龍而辨乎東方。以爲土師。得庸光而辨乎南方。以爲司徒。得大封而辨乎西。以爲司馬。得后土而辨乎北。以之李行。

巴蔓子

巴國人仕爲將軍。周末國亂，蔓子請師於楚。許以三城。楚以救巴，遣使請城。蔓子曰：藉楚之靈，克濟禍難，誠許楚王，城可持。吾頭往謝，城不可得也。乃自刎。使者以蔓子首報楚王。王曰：使吾得臣如蔓子者，用城何爲？乃以上卿之禮葬其首。巴亦舉其屍，以上卿之禮葬於施州。又東漢有巴肅，字恭甫，漢議郎。與竇武、陳蕃等謀誅閹官。武等遇害，肅亦坐黨禁錮。乃自載詣縣令，曰：爲人臣者，有謀不敢隱，有辜不逃，刑遂被害。

杞秀

南北朝杞秀，西魏涼州刺史。

夸父

奇如通 卷三
周時人逐日揮戈。欲返日。嵎谷道渴而死。植其杖。化爲鄧林。

瑕禽

左傳。王叔陳生與伯輿爭政。王叔之宰與伯輿之大夫瑕禽。坐獄於王庭。士匄聽之。王叔之宰曰。簞門圭竇之人。而皆陵其上。其難爲上矣。瑕禽曰。昔平王東遷。吾七姓

從王。牲用備具。王賴之。而賜之駢旄之盟。曰。世世無失職。若簞門圭竇。其能來東底乎。且王何賴焉。今自王叔之相也。政以賄成。而刑放於寵。官之師旅不勝其富。吾能無簞門圭竇乎。惟大國圖之。下而無直。則何謂正矣。范宣子曰。天子所右。寡君亦右之。所左。亦左之。使王叔氏與伯輿合要。

鄜巴

宋乾道間。任福建路兵馬總管。

花驚定

唐人花驚定。膂力過人。上元初。段子章反於蜀。時崔光遠為成都尹。驚定為牙將。討平之。杜甫詩。成都猛將有花卿。學語小兒知姓名。國朝有忠臣花雲。狀元花綸。

衙謹卿

漢長平令衙謹卿。七世同居。又晉有衙傳望。為護軍都督。

芒卯

秦昭王曰。魏將如耳矣。然魏齊孟嘗芒卯。孰賢。左右對曰。不如。王曰。以魏齊芒卯之賢。而不能攻秦。今以無能之如耳。率韓魏。

伐秦其無奈真人明矣。又國朝有芒文
績。臨川人。洪武間兩典文衡。爲時所重。

防廣

漢棠邑人。爲父報讐。母歿哀傷不食。以孝
聞。

囊瓦

楚囊瓦爲令尹。城郢。沈尹戌曰。子常必亾。

郢。苟不能衛。城無益也。若敖蚡冒。至於武
文。士不過同。慎其四竟。猶不城郢。今士數
圻而郢是城。不亦難乎。

光逸

字孟祖。樂安人。初爲博昌小吏。縣令使逸
送客。冒寒。舉體凍濕。還遇令不在。逸解衣
炙之。入令被中卧。令還大怒。將加嚴罰。逸

曰。家貧衣單。沾濕無可代。若不暫溫。勢必凍歿。奈何惜一被而殺一人乎。令奇而釋之。尋以世難避亂。渡江依胡母輔之。初至。屬輔之與謝鯤畢卓等散髮裸袒。閉室酣飲。逸將排戶入。守者不聽。逸便於戶外脫衣露頂。於狗竇中窺之。而大呼。輔之驚曰。他人決不能爾。必我孟祖也。遽呼入。遂與飲。大快。不捨晝夜。時人爲之。八達晉中興。爲給事中。

狼臆

晉人。事晉襄公。求爲戎右。不可。襄公縛秦囚。使萊駒以戈斬之。囚呼。萊駒失戈。狼臆取戈以斬囚。禽之以從公。乘遂以爲右。箕之役。先軫黜。臆而立。續簡伯。狼臆怒。其友

日盍歿之。暉曰：吾未獲歿所。其友曰：吾與汝爲難。暉曰：周志有之。勇則害上，不登於明堂，歿而不義，非勇也。子姑待之。及彭衙，旣陳，以其屬馳秦師，歿焉。晉師從之，大敗秦師。

傷省

宋國人。見左傳。

鄺埜

一統志：鄺埜，字孟質，永樂進士，拜監察御史。正統進兵部左侍郎。乙巳秋七月也，先深入，逼近畿輔。上親征，出居庸關。埜扈從乘馬，以馬革囊尸。自誓。是月壬寅，次萬金峪。是夕，金星犯亢。甲辰，次懷安。是夕，黑氣四塞。丙午，次陽和。是夕，火星犯土。王振迫

奇如進 卷三
挾進兵虜踵至。桀上言請疾驅入關。嚴兵爲殿。振怒曰。汝腐儒安知兵事。再言必死。桀曰。我爲社稷生靈極言胡爲以死懼哉。因與戶部尚書王佐相對泣帳中。明日師潰。桀死之年六十五。贈少保。諡忠肅。鄺音荒。

坊蒙

國朝坊蒙。徐州人。洪武中休寧縣丞。

陽惠元

唐平州人。爲西涼兵馬使。朱泚反。自河朔赴難。解奉天圍。加檢校工部尚書。李懷光反。血戰而死。

邕燦

南北朝邕燦。南唐人。登進士第。

印紙

漢御史大夫見功臣表。又有印疏。周封史也。能行氣練形。煮石髓而服之。謂之石鐘乳。至數百年。往來入太室山中。有卧石藏枕焉。讚曰。八珍促壽。五石延生。印數得之。鍊髓餌精。人以百年。我享千齡。寢息中嶽。游步仙庭。

棗左

楚大夫見姓望。

香車

新序。齊宣王爲巨室。蓋百畝。堂上三百戶。以齊國之大。三年不成。羣臣莫敢諫。香車問曰。荆王釋先王之禮樂而爲淫樂。敢問斯邦爲有主乎。王曰。爲無主。敢問荆邦爲

有臣乎。王曰爲無臣。車曰。今王爲巨室。三年不成。而羣臣莫敢諫。敢問爲有臣乎。王曰爲無臣。車曰。臣請避矣。疾趨而出。王曰。香子留。何諫寡人之晚也。遽召尚書曰。書之。寡人好爲巨室。香車止之也。又漢有香隆。見印數。

英清

永福人。宣德舉人。

涼茂

字伯方。昌邑人。少好學。議論常依名節。曹操辟爲司空掾。補侍御史。時泰山多盜賊。以茂爲太守。旬日之間。襁負而至者千餘衆。公孫度在遼東。擅留茂。終不爲屈。文帝在東宮。茂爲太子太傅。甚禮重之。

芳乘

漢幽州太守。又芳丹。光武時據新豐。後降漢。

奇姓通卷三終

奇姓通卷四 下平下

堂衣若

行巡

藏凝之

羌仁寅

將繼周

蒼英

襄楷

忙義

倉葛

傍企本

强練

琅過

昌容

相雲

槍傳

良霄

彊華

萇弘

棠无咎

皇士

翔季高

狂狡

榮駕馭

訇琦

生用和

昇元中

衡岳

爭不識

泠至

輕子玉

城渾

名初

營伯

平當

卿仲遠

徵崇

征僑

羸咨

閔天

聲伯

明僧紹

登恒

坑應奎

呈紳

京房

伶徵

星吉

餅守

經濟

冥都

刑穆

青莽

葉廣

零混

靈姑浮

清賢

寧越

稱忠

縉賀

曾葳

憑祥興

弘演

興渠

朋水

承宮

乘興

崩愈堅

嫪毒

音如通 卷四目
緱進筠

聚籌

州綽

犹道圃

培生

郇頡

郵無正

牟長

投調

疇無餘

攸邁

彪僂

修肅

不準

油鳳

勾井彊

罟夜張

舟之僑

謳陽

秋胡

猷康

歐寶

優施

璆瑜

繇敘

騶衍

稠雕

求仲

由余

裴牧仲

句甲

僕堙

琴張

吟約

禽息

斟尚

諶仲

箴莊

尋曾

侵恭

陰興

柳寶

黔如

鍼季

鐔顯

鄴胖

欽德載

臨孝存

弇堀弔

南文子

聃季

三庸道

垣護之

嵐闖

曇橘州

郟子

苦夷

劓般

銛朴翁

閻沒

鹽津

粘燦

瞻思

兼尉丁

羶求

咸冀

潛說友

閻亨

廉垣

織阿

函熙